



SELJE KOMMUNE

Driftsutvalet

Møtebok

Møtedato: 13.11.2014

Møtetid: Kl. 15:00 – 18:40

Møtested: Kommunehuset - 3. etg.

Saksnr.: 043/14 - 049/14

Følgjande medlemmer møtte

KRF: Stein Robert Osdal (leiar). TP: Gunnar Silden, Terje Ødegård, Judit Kvåle.

FRP: Marit Swensen.

Følgjande medlemmer møtte ikkje

FRP: Svein Hansen. H: Eva Janne T. Årvik. Begge hadde gjeve melding om forfall.

Følgjande varamedlemmer møtte

FRP: Ingen vara hadde høve til å møte.

H: Kjetil Vetrhus.

Følgjande frå administrasjonen møtte

Konst. rådmann møtte i sak 048/14, kommunalsjef Oppvekst Bård Fløde møtte i sak 047/14 og 048/14. I tillegg møtte økonomisjef Geir Kvisten.

Tenesteleiar Kommunalteknikk Terje Nybakk førte møteboka.

Merknad til innkallinga

Ingen

Merknad til saklista

Ingen

Sak 048/14 vart handsama som nr. 2 og sak 047/14 som nr. 3 på saklista.

6 voterande

Følgjande saker vart handsama

Sak nr.	Sakstittel
043/14	Godkjenning av møtebok
044/14	Delegasjonssaker
045/14	Referatsaker
046/14	Trafikktryggingstiltak i kommunane (TIK) 2015
047/14	Forskrift skulekrinsar - Høyring
048/14	Budsjett 2015 - 1. gongs handsaming
049/14	Avgifter og gebyr 2015

Tilleggsaker: Ingen

Utskrift protokoll: Medlemmar, møtande varamedlemmar, biblioteka, abonnentar

Utskrift møtebok: Abonnentar, kontrollutvalet, kommunekassa, revisor

Signatur:_____



SELJE KOMMUNE

SAKSGANG		
Styre, råd, utval	Møtedato	Saksnr
Driftsutvalet	13.11.2014	043/14

Sakshandsamar: Unni Eltvik Hovden	Arkiv: FE-	Arkivsaknr 14/595
---	----------------------	-----------------------------

Godkjenning av møtebok

TILRÅDING FRÅ ADMINISTRASJONEN:

Møteboka frå møte 16.10.14 vert godkjent slik den ligg føre.

Dok.dato	Tittel	Dok.ID
03.11.2014	Møtebok DU 16.10.14.pdf	60291

Handsaming i Driftsutvalet - 13.11.2014

6 voterande

KU-043/14 VEDTAK

Møteboka frå møte 16.10.14 vert godkjent slik den ligg føre.

Samrøystes.



SELJE KOMMUNE

SAKSGANG		
Styre, råd, utval	Møtedato	Saksnr
Driftsutvalet	13.11.2014	044/14

Sakshandsamar: Unni Eltvik Hovden	Arkiv: FE-	Arkivsaknr 14/593
---	----------------------	-----------------------------

Delegasjonssaker

DKU. 103/14: Gbnr. 56/71 - Byggsak - Garasje - Bjørn Jensen og Johanne Vengen

DKU. 118/14: Gbnr. 43/3 - Byggsak - Sauefjøs - Charles og Carole Peter

DKU. 119/14: Gbnr.13/2 - Byggsak - Tilkomstveg - Fritidsbustad - Sigurd N. Aarsheim

DKU. 126/14: Gbnr. 57/61 - Byggsak - Bjørn Arne Kvamme - Lokal godkjenning - Stårheim bygg AS

DKU. 127/14: Gbnr. 24/95 - Byggsak - Garasje - Odd Arne Midtbø

TILRÅDING FRÅ ADMINISTRASJONEN

Delegerte saker vert tekne til etterretning slik dei ligg føre.

Handsaming i Driftsutvalet - 13.11.2014

6 voterande

KU-044/14 VEDTAK

Delegerte saker vert tekne til etterretning slik dei ligg føre.

Samrøystes.



SELJE KOMMUNE

SAKSGANG		
Styre, råd, utval	Møtedato	Saksnr
Driftsutvalet	13.11.2014	045/14

Sakshandsamar: Unni Eltvik Hovden	Arkiv: FE-	Arkivsaknr 14/594
---	----------------------	-----------------------------

Referatsaker

Refererte skriv og meldingar:

Nr	Dok.ID	T	Dok.dato	Avsender/Mottaker	Tittel
1	14/4733	U	20.10.2014	Lefstad Liv	Oppdragsbekreftelse dam Djupedalsvatn
2	14/4767	U	23.10.2014	Åse Elin Hole; Ottar Nygård; Stein Robert Osdal; Gunnar (Gunnar.Silden@mar ineharvest.com) Silden	Re-fortøyning, flytebrygge, Borgundvåg
3	14/4725	I	19.10.2014	Kjell Oppheim	Avtale VTA-signèrt
4.	Leiar DU: Evaluering/saman drag av Driftsutv. sine synfaringar på einingane i kommunen.				

Tilleggsreferat:

TILRÅDING FRÅ ADMINISTRASJONEN

Referatsaker vert tekne til etterretning slik dei ligg føre.

Handsaming i Driftsutvalet - 13.11.2014

6 voterande

KU-045/14 VEDTAK

1. Teke til vitande.
2. Teke til vitande.
3. Teke til vitande.
4. Evaluering av besøka vart ikkje gjort i dette møtet.

Samrøystes.



SELJE KOMMUNE

SAKSGANG		
Styre, råd, utval	Møtedato	Saksnr
Driftsutvalet	13.11.2014	046/14
Sakshandsamar	Arkiv	Arkivsak
Terje Nybakk	FE-233, FA-Q80	14/547

Trafikktryggingstiltak i kommunane (TIK) 2015

Dokumentliste

Nr	T	Dok.dato	Avsender/Mottaker	Tittel
1	I	05.10.2014	Statens vegvesen Region vest	Trafikktryggingstiltak i kommunane - TIK-midlar 2015 - orientering

Vedlegg i saka

Dok.dato	Tittel	Dok.ID
29.10.2014	Kart, p-plass, Flatraket-KU-sak.pdf	60181
29.10.2014	Kart-gs-veg, Flatraket.søkn.+Ku-sak.pdf	60183

Saka gjeld

Søknad om TIK-midlar for 2015.

(TIK = Trafikktryggingstiltak i kommunane.)

I orienteringsskriv av 1.10.14 frå Vegvesenet går ma. fram at maksimalt tilskot er 75%, og at kommunen må finansiere resten.

Vidare er det no eit krav om at dersom det vert søkt om fleire tiltak, må kommunen prioritere mellom tiltaka.

Opplysningar til saka

For inneverande år søkte Selje kommune om tilskot til fylgjande prosjekt:

- Veglys, Hammersvik – Bortne
- Parkeringsplass, v/Flatraket skule.

Det vart innvilga tilskot berre til veglysanlegget.

Grunngjevinga var at det ikkje var meir tilgjengelege midlar.

Finansiering

75% tilskot frå Fylkeskommunen, 25 % kommunal eigenandel avsett på inv.budsjettet.

Sakshandsamar si vurdering og konklusjon

I vedteken trafikktryggingsplan er bygging av gang- og sykkelveg frå skulen og sørover mot Gangeskar, prioritert som TIK-tiltak for 2015.

I og med at eit av tiltaka som vart søkt om i 2014, ikkje fekk tildelt midlar, tilrår sakshandsamar at dette prosjektet vert prioritert og søkt om nye midlar til for 2015.

I praksis betyr dette at tiltaket prioritert i trafikktryggingsplanen for 2015 vert å forskyve til 2016.

I tillegg tilrår ein, når ein fyrst er på Flatraket med asfalteringsutstyr, at det vert søkt om midlar til fast dekke på del av nyleg opparbeidd gang-og sykkelveg på Flatraket. Dette er eit tidlegare Aksjon skuleveg-prosjekt som det ikkje vart prioritert fast dekke på då dei vart bygde. Det vart då prioritert å heller bygge mest mogeleg veg.

Det er utarbeidd nytt kostnadsoverslag som omfattar fullføring av parkeringsplassen på Flatraket, ikkje berre 1. etappe slik det var tenkt i 2014.

Det vert gjort framlegg om slik prioritering:

1. P-plass, Flatraket skule, kostnad:	kr. 500.000
2. <u>Asfaltering nyleg bygd gang-og sykkelveg Flatraket,kostnad:</u>	<u>kr. 60.000</u>
<u>Samla søknadssum, eks. mva</u>	<u>kr. 560.000</u>

Saksgang

Tilråding i Driftsutvalet, og endeleg vedtak i Formannskapet.

TILRÅDING FRÅ ADMINISTRASJONEN

Selje kommune søker med dette om kr. 420.000 i tilskot frå TIK-midlane for 2015.

Tiltaka vert å prioritere slik det går fram av saksutgreiinga.

Nødvendige kommunal eigendel, kr. 140.000,- vert å avsette på investeringsbudsjettet.

Opprinneleg prioritert tiltak for 2015 i trafikktryggingsplanen vert å forskyve til 2016

Handsaming i Driftsutvalet - 13.11.2014

6 voterande

Saksgang

Saka går til Kommunestyret.

Røysting:

Tilråding frå administrasjonen fekk 6 røyster for. Samrøystes.

KU-046/14 FRAMLEGG

Som tilrådinga frå administrasjonen.



SELJE KOMMUNE

SAKSGANG

Styre, råd, utval	Møtedato	Saksnr
Driftsutvalet	13.11.2014	047/14

Sakshandsamar	Arkiv	Arkivsak
Bård Fløde	FA-B12	12/1111

Forskrift skulekrinsar - Høyring

Saka gjeld

Etter vedtak i kommunestyret i K-sak 16/14, skal det arbeidast vidare med ny forskrift for skulekrinsar i Selje kommune. Driftsutvalet skal sende saka ut til høyring før eventuelt vedtak. Om endring av denne forskrifta.

Opplysningar til saka

Kommunestyret gjorde i K-sak 016/14 vedtak om oppstart av arbeid med ny forskrift for skulekrinsar i løpet av 2014. Vedtaket seier at målet er verknad frå og med skuleåret 2015/2016. Vedtaket vart gjort etter at framlegg om dette vart reist av Driftsutvalet. Driftsutvalet tok utgangspunkt i omstillingsrapporten frå oppvekstgruppa som vart levert i januar 2014 – der det er lista opp ei rekkje alternative tiltak som kan føre til endring i gjeldande forskrift for skulekrinsar i kommunen. Gjeldande forskrift for skulekrinsar i Selje kommune vart vedteken av kommunestyret i februar 2014 (K-sak 10/14).

Den økonomiske situasjonen som teiknar seg for 2015 og åra framover, tilseier kraftige reduksjonar i tenestetilbodet til innbyggjarane i Selje kommune. Det er eit faktum at reduksjonane ikkje lenger kan gjerast som sokalla ostepølving i eksisterande drift. Dette har vore gjort fleire år på rad, noko som gjer at vi i dag har marginale ressursar til drift på dei einskilde einingane.

Fylkesmannen sa i eit møte med kommunestyret i Selje den 22. oktober 2014 at det må strukturendringar til i Selje kommune. Fylkesmannen sa vidare at evt. strukturendringar må gjerast ut frå faglege og/eller økonomiske vurderingar. Fylkesmannen uttrykte at Selje måtte redusere utgiftene og/eller auke inntektene. Formannskapet har vedteke at målet skal nåast med utgiftsreduksjonar åleine.

Omstillingsgruppa for Oppvekst leverte i januar 2014 ein rapport med tilråding basert på ei fagleg vurdering. I denne rapporten seier gruppa at vi bør ha tre skular i åra som kjem. Sjølv om Flatraket skule var med i vurderinga i endringa av kringsgrensene for eit år sidan, kom gruppa for oppvekst til ei fagleg vurdering av at denne skulen bør oppretthaldast. Gruppa peikar på ei samordning av mellomtrinna og ungdomstrinna på Selje skule og Stadlandet skule som tilrådde alternativ for omorganisering og strukturendring. (sjå utdrag frå rapporten).

Opplysningane og vurderingane frå omstillingsgruppa har endra seg lite på eit år. Difor vil dei same vurderingane ligge til grunn for denne saksutgreiinga.

Ser ein på dei økonomiske effektane av fagleg tilrådde tiltak og tiltak gruppa ikkje tilrår, ser vi at det er i den siste oppstillinga det er størst innsparingspotensiale reint økonomisk – altså dei tiltaka gruppa *ikkje* vil tilrå av faglege vurderingar.

Fylkesmannen peika på at det no særleg er *økonomiske* vurderingar som må ligge til grunn for strukturelle tiltak. Rådmann må diverre difor sette dei faglege vurderingane til side til fordel for dei reint økonomiske. Dette betyr m.a. at rådmann må tilrå nedlegging av Flatraket skule sjølv om dette vil føre til lågare kvalitet på tilbodet samla sett.

Nedlegging av Flatraket skule

Rapporten frå omstillingsgruppa for Oppvekst peikar på ei rekkje spørsmål knytt til nedlegging av Flatraket skule. Flatraket skule vil ha eit relativt stabilt elevtal i åra som kjem. Skulen er har i dag ei god utvikling under kyndig leiing. Når omstillingsutvalet i rapporten ikkje vil tilrå nedlegging av denne skulen, er det fleire moment som blir trekt fram i tillegg til overnemnde kvalitets-stempel: Nærleiken til skule i Vågsøy. Tankar om privatskule. Begge desse alternativa vil bety null innsparing for Selje kommune ved ei nedlegging. Trekk i overføringane ved privatskule og storleiken på gjesteelevkostnaden er store. Omstillingsgruppa syner også til reiseavstanden som blir relativt stor for dei minste borna. Utgifter knytt til born med særskilde behov vil bli dei same uansett kvar borna går på skule. Oppseiing av lærarar når kommunen om få år vil strå over for eit rekrutteringsbehov av lærarar, er eit anna viktig dilemma. I ein oppseiingsprosess, er det dei yngste lærarane som må gå: kva betyr dette for ei kommune med synkande folketal?

Den økonomiske stoda tvingar imidlertid rådmann til å gjere framlegg som ikkje er *fagleg* begrunna.

Samordning av trinn

Med Flatraket skule lagt ned, vert det svært lang skuleveg frå Flatraket til Stadlandet skule ved ei evt. framtidig samordning av trinna. Rådmann ser difor at ved ei nedlegging av Flatraket skule, bør ein sjå vekk frå alternativet om samla mellomtrinn.

Sjølv med elevane ved Flatraket skule flytta til Selje skule, vil det vere plass for eit samla u-trinn ved Selje skule.

Vidare kan vi konstatere at det vil vere plass til mellomtrinnet frå Selje skule på Stadlandet skule sjølv om Stadlandet skule beheld sitt u-trinn. Flytting av mellomtrinnet frå Stad til Selje gjev om lag like long reiseveg som om Flatraket-elevane måtte reise til Stadlandet skule. Rådmann vurderer dette som for lang reiseveg for denne aldersgruppa.

Vi ser av desse vurderingane at det kan vere fleire alternative endringar å vurdere i samband med evt. strukturendring/ omorganisering i grunnskulen i kommunen:

1. Nedlegging av Flatraket skule.
2. Samle mellomtrinn på Stadlandet skule og u-trinn på Selje skule (Flatraket skule oppretthalden).
3. Nedlegging av Flatraket skule og samling av u-trinn på Selje skule
4. Samle mellomtrinna frå Selje skule og Stadlandet skule på Stadlandet skule (Flatraket skule oppretthalden, u-trinna kvar for seg som no)
- 5.

I den føreståande høyringsrunden vil altså desse fire modellane bli å gje uttale om.

Dette betyr at det vil føreligge fire alternativ til ny forskrift for skulekrinsar i Selje kommune med verknad frå 01.08. 2015. Etter at høyringsrunden er gjennomført, skal kommunestyret ta stilling til vål av modell/ alternativ forskrift.

I gjeldande forskrift for skulekrinsar i Selje kommune (k-sak 10/14, 27.02.2014) står det i §2-1:

§2-1 Tal skulekrinsar og geografisk inndeling.

Selje kommune har frå 01.08. 2014 desse tre skulekrinsane:

Stadlandet Oppvekstsenter sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Flatraket skulekrins forstår ein som området frå kommunegrensa til Vågsøy til og med Rundereim, samt Barmen.

Øvrige område tilhøyrr Selje skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Med dei fire alternativa som er skissert i saksutgreiinga over, vil det bli desse alternative formuleringar i § 2-1:

Alternativ 1:

§2-1 Tal skulekrinsar og geografisk inndeling.

Selje kommune har frå 01.08. 2015 desse to skulekrinsane:

Stadlandet skule sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Øvrige område i kommunen tilhøyrr Selje skulekrins (sørsida av kommunen frå kommunegrensa til Vågsøy til og med Skårbø, samt Barmen, Kjøde (til fylkesgrensa mot Vanylven) og sentrumsområda i Selje).

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Alternativ 2:

§2-1 Tal skulekrinsar og geografisk inndeling.

Selje kommune har frå 01.08. 2015 desse tre skulekrinsane:

Stadlandet skule sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

I tillegg blir elevane i 5.-7. klasse i den geografiske avgrensinga til Selje skule sin skulekrins å rekne som del av Stadlandet skule sin skulekrins.

Flatraket skulekrins forstår ein som området frå kommunegrensa til Vågsøy til og med Rundereim, samt Barmen.

Øvrige område tilhøyrr Selje skulekrins. I tillegg blir 8.- 10. klasse i den geografiske avgrensinga til Stadlandet skule sin skulekrins å rekne som del av Selje skule sin skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Alternativ 3:

§2-1 Tal skulekrinsar og geografisk inndeling.

Selje kommune har frå 01.08. 2015 desse to skulekrinsane:

Stadlandet skule sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Øvrige område i kommunen tilhøyrer Selje skulekrins (sørsida av kommunen frå kommunegrensa til Vågsøy til og med Skårbø, samt Barmen, Kjøde (til fylkesgrensa mot Vanylven) og sentrumsområda i Selje).

I tillegg blir 8.- 10. klasse i den geografiske avgrensinga til Stadlandet skule sin skulekrins å rekne som del av Selje skule sin skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Alternativ 4:

§2-1 Tal skulekrinsar og geografisk inndeling.

Selje kommune har frå 01.08. 2015 desse tre skulekrinsane:

Stadlandet Oppvekstsenter sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Flatraket skulekrins forstår ein som området frå kommunegrensa til Vågsøy til og med Rundereim, samt Barmen.

Øvrige område tilhøyrer Selje skulekrins.

I tillegg blir elevane i 5.-7. klasse i den geografiske avgrensinga til Selje skule sin skulekrins å rekne som del av Stadlandet skule sin skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Utdrag frå rapporten til omstillingsgruppa for oppvekst:

6.7 Tiltak: Nedlegging av Flatraket skule

Med kravet om 4,4 mill. i innsparing, ser arbeidsgruppa at nedlegging av éin skule ikkje er nok. Tidlegare utgreiingar syner at det i åra som kjem, er plass til elevane frå Flatraket på Selje skule. Arbeidsgruppa ser difor at utan ein inntektskompensasjon (som arbeidsgruppa ikkje finn innanfor sektoren oppvekst), må også Flatraket skule leggest ned for å oppnå innsparingskravet.

Arbeidsgruppa peikar på meningsytringar på Flatraket som peikar på den geografiske nærleiken bygda har i høve Skavøypoll skule. Viss det blir vedteke nedlegging av Flatraket skule, kan det bli krav frå bygda om interkommunalt samarbeid om skulekrins, slik lovverket no opnar for. Vi talar då imidlertid om gjesteelevpris for dei elevane som då vil gå på skule i Vågsøy – noko som er relativt kostbart.

Ved ei eventuell nedlegging av Flatraket skule, kan ein også risikere at innbyggjarane går mot ein oppstart av privatskule. Erfaringar frå andre kommunar syner at dette ofte vert ei dyrare løysing for kommunane enn om skulen vart oppretthalden. Pr 1.1.2014 er denne satsen 125 375 kr pr elev.

Ei nedlegging vil føre til ein skuleveg på opptil 2 timar pr. dag – dette vil vere uheldig for dei yngste elevane.

SFO-tilbodet for elevar frå Flatraket blir svært langt unna viss det er SFO-tilbodet på Selje skule som må nyttast. Jf. merknad under 5.7 om manglande plass til SFO-tilbod i Flatraket barnehage.

Lønsbudsjetten 2013 inkl. sosiale avg. er 4.700.000. Ved evt. flytting av elevane til Selje skule, må klassane/ gruppene styrkast i høve den auken flyttinga utgjer for gruppestorleiken. Utgangspunktet er den minstenorma vi definerte for to år sidan. Med utgangspunkt i denne minstenorma (som vi i dag ligg under), bør Selje skule styrkast med om lag 50 rammetimar i 1.-7. klasse når elevane frå Flatraket skule evt. kjem inn i klassane. Med dagens snittkostnad på rammetimar, utgjer dette ein årleg kostnad på 1.250.000. Evt. spesialpedagogiske ressursar må flyttast med elevar som har dette. Stipulert 200.000.

Skyspbildet blir snudd, og det vil også bli ein auka skysstkostnad når Flatraket-elevane skal til Selje skule. Stipulerte meirutgifter til skys, er 500.000.

Kostnaden på bygget er om lag 250.000 årleg. Reinholdskostnaden er i dag om lag 220.000

Innsparingspotensialet er dermed om lag 3 mill. på årsbasis.

Ved ei samtidig nedlegging av Ytre Stad skule og Flatraket skule vil det dei første kommande åra ikkje vere rom for alle lærarane på dei attverande skulane. Då lønsbudsjetten er det avgjerande i eit innsparingsperspektiv, må ein difor gå til oppseiing av lærarar sjølv om vi på sikt (om nokre år) har trong for nye lærarar grunna «naturleg avgang»/ pensjonering.

Ved vurdering av nedlegging, må høyringsrundane og høyringsuttalane frå våren 2013 takast med.

5.3 Tiltak: Samla ungdomstrinn

Ungdomstrinnet på Stad går alt i 2014 mot ein fådelmodell (samanslegne klassar) grunna lågt elevtal på årskulla. Likevel er u-trinnet samla sett så stort dei par næraste åra at vi får parallellar ved samkøyring. Reint økonomisk er det difor lite å hente dei første åra då vi ved samling også får auka skysstgifter. Viss elevtalet ikkje aukar ved tilflytting, er ei samordning/samløkalisering av ungdomstrinnet noko ein kan vurdere. Då vil det vere eit innsparingspotensiale i dette. Slik klasseromssituasjonen er i dag, er det ikkje plass til parallellar på Selje skule (med Flatraket-elevane inne). Viss Flatraket-elevane ikkje kjem, gjer fådel-situasjonen på barnetrinnet at det kan vere plass til parallell-klassar på u-trinnet på Selje skule. Samlokalisering ein mellomtrinnet på Stadlandet oppvekstsenter, har Selje skule plass til eit samla ungdomstrinn.

For dei elevane som bur lengst vekk, blir det relativt lang skuleveg til Selje. Det blir også lang skuleveg for u-elevar frå Flatraket viss ein vél å ha eit samla u-trinn lokalisert på Stadlandet Oppvekstsenter. Arbeidsgruppa stiller også spørsmål om skuleskyssen kan gjennomførast snøggare?

GSI (Grunnskulen sitt informasjonssystem) syner for årets rapportering (oktober kvart år) at det er lagt ut 170 rammetimar på ungdomstrinna på dei to skulane (ordinær undervisning –altså utan spesialundervisning). Tenkjer ein seg skuleåret 2015/2016 (elevtal 31-31-38) drive med to klassar på 31 elevar kvar med 10 timar styrking og to parallellar med 5 timar styrking kvar, vil det gå med 150 rammetimar. No er det her å merke at Stadlandet OS vil måtte klare seg med færre rammetimar framover då dei som nemnt får så lågt elevtal at også ungdomstrinnet blir fådelt: årstrinn må undervisnast samla delar av tida.

Tenkjer ein seg dermed ei innsparing på om lag 23 rammetimar, har dette ein kostnad på om lag 650.000. Meirutgiftene ved å skysse elevane til Selje blir om lag 300.000. Innsparing kan då vere 350.000 årleg dei første åra.

Ved samling av ungdomstrinna slik det er skildra, bør ein også kunne redusere noko på administrasjonen. Stipulert innsparing 280.000.

Arbeidsgruppa peikar på behovet for opprusting av spesialromma som særleg u-trinnet nyttar. Framtidig opprusting for u-trinnet vil då uansett bli rimelegare viss u-trinna er samla: det trengst då opprusting berre på ein skule.

Då dette ikkje var med i høyringa for forskrift for kringsgrenser i 2013, skal slik høyring gjennomførast før endeleg vedtak.

Konklusjon: Det bør etablerast felles ungdomstrinn. Framtidig lokalisering vert Selje skule. Det blir ikkje vesentlege økonomiske innsparingar ved dette tiltaket dei næraste åra. Fordelen med å samle ungdomstrinnet så tidleg som muleg, er at ein på den måten får to relativt stabile klassar på 20 elevar

kvar –noko som er ein ideell undervisningssituasjon. Med god styrking kan ein køyre klassar med 31 elevar.

5.4 Tiltak: Samle mellomtrinn

Slik elevtalsutviklinga er framover, kan elevane på mellomtrinnet på Selje skule og Stadlandet oppvekstsenter og Ytre Stad skule slåast saman ---og likevel ikkje overskride ei klasse i storleik (sjå vedlegg). Då alle skulane no er fådelte, og har dels samanslegne årstrinn- samt at vi får auka kostnad på skyss --får ein ikkje full uttelling i høve samanslåing, men det er likevel eit innsparingspotensiale i dette tiltaket.

Framtidig plassering av samlokalisert mellomtrinn bør vere Stadlandet oppvekstsenter. I denne modellen, er Flatraket skule framleis i drift. Med denne modellen unngår ein særskild lang skuleveg før elevane er i ungdomsskulen.

GSI-rapporteringa oktober 2013 syner at det dette skuleåret samla for dei tre skulane blir nytta 134 rammetimar til ordinær undervisning (ikkje medrekna spesialundervisning). Elevtalsprognosane syner at det skuleåret 2015/2016 med eit samla mellomtrinn blir klassar med mellom 17 og 27 elevar på mellomtrinnet. Med grunnressurs på 30 timar og ei styrking på 6 timar (= minstnorma), vil dette medføre bruk av 108 rammetimar på mellomtrinnet (ordinær undervisning). Innsparinga er då 26 rammetimar. Noverande snittpris pr. rammetime er i overkant av 25.000 kr. Dette betyr ei innsparing på om lag 650.000 på undervisning.

Til fråtrekk kjem skulskyssen. Meirkostnaden for skuleskyss ved nedlegging av Ytre Stad skule er teken med i innsparingspotensialet der, og skal difor ikkje trekkast frå fleire gongar. Skuleåret 2015/2016 skal 39 elevar skyssast dei 16 km mellom Selje og Stadlandet OS. Med 40 kr pr elev pr dag, vil dette på årsbasis koste 295.000.

Innsparinga på flyttinga er då om lag 350.000 kr.

Då dette ikkje var med i høyringa i høve forskrift for kringsgrenser i 2013, skal slik høyring gjennomførast før endeleg vedtak.

Konklusjon: *Framtidig plassering av samlokalisert mellomtrinn bør vere Stadlandet oppvekstsenter. I denne modellen er Flatraket skule framleis i drift. Med denne modellen unngår ein særskild lang skuleveg før elevane er i ungdomsskulen.*

HØYRINGSUTTALAR VED HANDSAMINGA AV FORSKRIFT FOR SKULEKRINSAR 2013 - 2014

I samband med at ny for skrift om skulekrinsar var ute på høyring, kom det inn høyringsuttalar i høve dei to krinsane som alternativt vart føreslegne nedlagde: Ytre Stad skule og Flatraket skule. Vi gjengjev samandrag at høyringsuttalane her:

Samandrag av høyringsuttalane

FAU Flatraket skule:

Uttalen legg særleg vekt på den forlengta reisetida for elevane. Bortfall av SFO i bygda er også vektlagd. Uttalen peikar også på at Flatraket er ei bygd i vekst. Konklusjonen er at skulen må oppretthaldast.

SU Flatraket skule:

Uttalen støttar alle punkt i uttalen frå FAU ved skulen.

Selje Venstre:

Uttalen syner til innspela på folkemøta om samfunnsdelen i kommuneplanen for to år sidan, der skulen vart sterkt prioritert. Her vert det vist til kva som må til for å initiere auka busetnad i bygdene. Uttalen peikar også på at evt. nedlegging av skular gjer vesentleg lengre reisetid for elevane. Konklusjonen er å oppretthalde noverande skulestruktur.

Utdanningsforbundet ved Flatraket skule:

Uttalen støttar framlegg a, med fire skulekrinsar som i dag.

Barmøy Bygdelaag:

Uttalen syner til kor viktig Flatraket skule er som samlingsfaktor for bygdene i den sørlege delen av kommunen. Vidare peikar uttalen på at Flatraket er ein krins i vekst. Konklusjonen er at Flatraket skule må bestå.

Fau og SU ved Ytre Stad skule og barnehage:

Uttalen meiner at skulen er sentral for å få utvikling i bygda. Det blir synt til relativt stor tilflytting til krinsen dei seinare åra (uttalen har vedlagd lokal statistikk). Dette syner at framskriving av folketalstatistikkar ikkje gjev godt grunnlag for prognosar. Uttalen vektlegg særleg den auka reisetida evt. nedlegging vil bety for dei minste elevane. Det vert uttalt at alternativet med småskule på Ytre er interessant. Uttalen slær fast at det finst ei nedre grense for drift av skulen, både kva gjeld elevtal, økonomi og tilbod – men talfestar ikkje slik grense. Konklusjonen er å oppretthalde fire skulekrinsar.

Utdanningsforbundet ved Stadlandet oppvekstsenter:

Uttalen argumenterer med at ei evt. samanslåing av skular vil binde opp meir tid for rektor –tid som dei tilsette meiner bør prioriterast pedagogisk leing. Uttalen peikar på at det meste av bygningsmassen på Stadlandet oppvekstsenter er gamal og nedsliten. Fleire elevar vil bety større slitasje. Det vert også synt til den lange skulevegen for dei minste elevane ved ei evt. samanslåing av skular. Konklusjonen er at Stadlandet oppvekstsenter og Ytre Stad skule og barnehage ikkje blir samanslegne.

Elevrådet ved Flatraket skule:

Uttalen peikar på at skulen i dag har eit godt skulemiljø, og at elevane har god plass både inne og ute. Det blir trangare om dei skal gå på Selje skule. Det vert peika på lang skuleveg og auka kostnad viss alle elevane må til Selje skule.

SU ved Stadlandet oppvekstsenter:

Uttalen syner til at elevrådet har ei uttale om at dei ynskjer at det vert fire skulekrinsar så lenge det er elevgrunnlag på Ytre, og fordi det blir lang skuleveg for minste elevarne ved skulenedlegging. Ei uttale frå andre tilsette ved skulen ynskjer oppretthalding av fire skulekrinsar. FAU uttalar at dei ynskjer nedlegging av Ytre Stad skule og barnehage. SU røysta over alternativa a og b, der alternativ b fekk 3 røyster og alternativ a fekk 6 røyster.

Utdanningsforbundet ved Ytre Stad skule og barnehage:


Uttalen stiller seg bak uttalen frå FAU og SU ved skulen.

Folkemøta

Dei elementa/tema som kom fram under ordsifta på folkemøta på Ytre Stad skule og barnehage og på Flatraket skule, er komne fram gjennom høyringsuttalane som er komne inn.

Elevtalsutvikling

Elevtal ved skulestart	2014/15	2015/16	2016/17	2017/18	2018/19	2019/20
Selje	165	154	147	149	142	126
Stadlandet	108	109	102	107	103	101
Flatraket	45	49	42	41	38	43
Sum:	318	312	291	297	283	270



2014/2015	Skule	1	2	3	4	5	6	7	8	9	10	Sum
1	Selje skule	15	9	12	11	15	14	13	23	25	28	165
	Stadlandet skule	6	9	14	7	11	14	13	9	12	13	108
	Flatraket skule	7	5	2	6	9	11	5				45
	Sum kommune											318
	<i>Selje sk. + Flatr.skule</i>	22	14	14	17	24	25	18	23	25	28	210

2015/2016	Skule	1	2	3	4	5	6	7	8	9	10	Sum
2	Selje skule	12	15	9	12	11	15	14	18	23	25	154
	Stadlandet skule	14	6	9	14	7	11	14	13	9	12	109
	Flatraket skule	9	7	5	2	6	9	11				49
	Sum kommune											312
	<i>Selje sk. + Flatr.skule</i>	21	22	14	14	17	24	25	18	23	25	203
	<i>Samla u-trinn</i>								31	32	37	100

2016/2017	Skule	1	2	3	4	5	6	7	8	9	10	Sum
3	Selje skule	7	12	15	9	12	11	15	25	18	23	147
	Stadlandet skule	5	14	6	9	14	7	11	14	13	9	102
	Flatraket skule	4	9	7	5	2	6	9				42
	Sum kommune											291
	<i>Selje sk. + Flatr.skule</i>	11	21	22	14	14	17	24	25	18	23	189
	<i>Samla u-trinn</i>								39	31	32	102

2017/2018	Skule	1	2	3	4	5	6	7	8	9	10	Sum
4	Selje skule	16	7	12	15	9	12	11	24	25	18	149
	Stadlandet skule	14	5	14	6	9	14	7	11	14	13	107
	Flatraket skule	8	4	9	7	5	2	6				41
	Sum kommune											297
	<i>Selje sk. + Flatr.skule</i>	24	11	21	22	14	14	17	24	25	18	190
	<i>Samla u-trinn</i>								35	39	31	105

2018/2019	Skule	1	2	3	4	5	6	7	8	9	10	Sum
5	Selje skule	5	16	7	12	15	9	12	17	24	25	142
	Stadlandet skule	9	14	5	14	6	9	14	7	11	14	103
	Flatraket skule	3	8	4	9	7	5	2				38
	Sum kommune											283
	<i>Selje sk. + Flatr.skule</i>	8	24	11	21	22	14	14	17	24	25	180
	<i>Samla u-trinn</i>								24	35	39	98

2019/2020	Skule	1	2	3	4	5	6	7	8	9	10	Sum
6	Selje skule	7	5	16	7	12	15	9	14	17	24	126

Stadlandet skule	12	9	14	5	14	6	9	14	7	11	101
Flatraket skule	7	3	8	4	9	7	5				43
Sum kommune											270
<i>Selje sk. + Flatr.skule</i>	14	8	24	11	21	22	14	14	17	24	169
<i>Samla u-trinn</i>								28	24	35	87

Lover/regelverk

Opplæringslova

Forvaltningslova

Saksgang

På bakgrunn av kommunestyret sitt vedtak om utgreiing, gjer Driftsutvalet vedtak om høyring.

TILRÅDING FRÅ ADMINISTRASJONEN

Med bakgrunn i k-sak 16/14, gjer Driftsutvalet vedtak om at følgjande høyringsbrev skal sendast ut på høyring med dei gjevne høyringsfristar:

Høyringsframlegg til alternative vedtak om innhald i § 2-1 i forskrift om kringsgrenser for grunnskulen i Selje kommune.

Bakgrunnen for vedtaket om høyring på framlegg til ny lokal forskrift for skulekrinsar i Selje kommune, er vedtak KS-16/14.

Med bakgrunn i Forvaltningslova kapittel VII , gjer kommunestyret i Selje kommune vedtak om lokal forskrift for framtidig skulestruktur i Selje kommune ved å velje eit av desse alternativa som gjeldane for innhald i § 2-1 i ny forskrift:

Med dei fire alternativa som er skissert i saksutgreiinga over, vil det bli desse alternative formuleringar i § 2-1:

Alternativ 1:

§2-1 Tal skulekrinsar og geografisk inndeling.

Selje kommune har frå 01.08. 2015 desse to skulekrinsane:

Stadlandet skule sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Øvrige område i kommunen tilhøyrer Selje skulekrins (sørsida av kommunen frå kommunegrensa til Vågsøy til og med Skårbø, samt Barmen, Kjøde (til fylkesgrensa mot Vanylven) og sentrumsområda i Selje).

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Alternativ 2:

§2-1 Tal skulekrinsar og geografisk inndeling.

Selje kommune har frå 01.08. 2015 desse tre skulekrinsane:

Stadlandet skule sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

I tillegg blir elevane i 5.-7. klasse i den geografiske avgrensinga til Selje skule sin skulekrins å rekne som del av Stadlandet skule sin skulekrins.

Flatraket skulekrins forstår ein som området frå kommunegrensa til Vågsøy til og med Rundereim, samt Barmen.

Øvrige område tilhøyrrer Selje skulekrins. I tillegg blir 8.- 10. klasse i den geografiske avgrensinga til Stadlandet skule sin skulekrins å rekne som del av Selje skule sin skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Alternativ 3:

§2-1 Tal skulekrinsar og geografisk inndeling.

Selje kommune har frå 01.08. 2015 desse to skulekrinsane:

Stadlandet skule sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Øvrige område i kommunen tilhøyrrer Selje skulekrins (sørsida av kommunen frå kommunegrensa til Vågsøy til og med Skårbø, samt Barmen, Kjøde (til fylkesgrensa mot Vanylven) og sentrumsområda i Selje).

I tillegg blir 8.- 10. klasse i den geografiske avgrensinga til Stadlandet skule sin skulekrins å rekne som del av Selje skule sin skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Alternativ 4:

§2-1 Tal skulekrinsar og geografisk inndeling.

Selje kommune har frå 01.08. 2015 desse tre skulekrinsane:

Stadlandet Oppvekstsenter sin skulekrins forstår ein som alle bygdene vest for Dalskaret (Morkadalen, Ferstad, Ervik, Årvik, Honningsvåg), området frå Leikong til og med Eltvik, bygdene Drage, Fure og Hoddevik samt området Leikong til og med Otnes.

Flatraket skulekrins forstår ein som området frå kommunegrensa til Vågsøy til og med Rundereim, samt Barmen.

Øvrige område tilhøyrrer Selje skulekrins.

I tillegg blir elevane i 5.-7. klasse i den geografiske avgrensinga til Selje skule sin skulekrins å rekne som del av Stadlandet skule sin skulekrins.

Når det gjeld kva skulekrins ein høyrer til, tek ein utgangspunkt i den adressa eleven står oppført med i Folkeregisteret.

Lokal forskrift om skulekrinsar i Selje kommune

Gjeldande frå 01.08. 2015

Vedteken av kommunestyret i Selje xx.xx.2015

Høyringsbrev

Det skal på bakgrunn av vedtak i Driftsutvalet om høyring på lokal forskrift om skulekrinsar, utferdigast eit høyringsbrev der hovudelementa i forskriftsarbeidet vert skildra, og der det vert opplyst om høyringsfrist. Høyringsfrist i denne saka blir 1. februar 2015.

Etter gjennomgang av innkomne høyringsuttalar, gjer kommunestyret vedtak om lokal forskrift for skulekrinsar i Selje kommune gjennom vål av eit av alternativa i høyringsframlegget som innhald i § 2-1 .

Høyringsfråsegner skal stilast til:

Selje kommune, kommunehuset, 6740 Selje. Epost: post@selje.kommune.no.

Frist for å komme med høyringsfråsegn, er sett til 1. februar 2015

Høyringsinstansar:

Foreldreråd/FAU/SU/skulemiljøutval/elevråd og tilsette ved følgjande skular:

Flatraket skule
Selje skule
Stadlandet skule

Andre:
Utdanningsforbundet
Fagforbundet
Delta
Sogn og Fjordane fylkeskommune

.....

Handsaming i Driftsutvalet - 13.11.2014

6 voterande

Framlegg frå H, FRP, TP:

Driftsutvalet sender saka til Formannskapet med anbefaling om at saka ikkje vert sendt ut til høyring.

Røysting:

Tilråding frå administrasjonen fekk 1 røyst for og 5 røyster mot.

Framlegg frå H, FRP, TP fekk 5 røyster for og 1 mot.

KU-047/14 FRAMLEGG

Driftsutvalet sender saka til Formannskapet med anbefaling om at saka ikkje vert sendt ut til høyring.



SELJE KOMMUNE

SAKSGANG		
Styre, råd, utval	Møtedato	Saksnr
Formannskapet	03.11.2014	092/14
Eldrerådet	13.11.2014	010/14
Råd for menneske med nedsett funksjonsevne	13.11.2014	009/14
Driftsutvalet	13.11.2014	048/14
Formannskapet	26.11.2014	
Kommunestyret	15.12.2014	

Sakshandsamar	Arkiv	Arkivsak
Geir Kvisten	FE-151	14/438

Budsjett 2015 - 1. gongs handsaming

Dokumentliste

Nr	T	Dok.dato	Avsender/Mottaker	Tittel
4	I	08.10.2014	Fylkesmannen i Sogn og Fjordane	Kommuneøkonomi - budsjettåret 2015
5	I	15.10.2014	Økonomisjef Geir Kvisten	Vedlegg til sak FS 80/14
6	I	17.10.2014	Vest Kontrollutvalssekretariat	Kontrollutvalet sak 26/14 - Budsjett for Kontrollutvalet 2015
8	I	29.10.2014	Fylkesmannen i Sogn og Fjordane	Handsaming av budsjett og økonomiplan hjå Fylkesmannen
9	U	31.10.2014	Fylkesmannen i Sogn og Fjordane	Melding om vedtak - Prinsippvedtak - Økonomiplan 2015-2018
10	I	03.11.2014	Økonomisjef Geir Kvisten	Vedlegg til sak FS 092/14 - Formannskapet 03.11.14
11	I	04.11.2014	Økonomisjef Geir Kvisten	Vedlegg til sak FS 092/14 - Formannskapet 03.11.14 - Investeringsbudsjettet 2015
12	I	16.11.2014	Økonomisjef Bård Fløde	Økonomi Oppvekst - Presentasjon i Formannskapet 03.11.14

Saka vert delt ut i møtet.

Vedlegg i saka

Dok.dato	Tittel	Dok.ID
03.11.2014	Budsjettskjema 1A - driftsbudsjettet.xlsx	60301

04.11.2014	Budsjettskjema 1B Driftsbudsjett.pdf	60337
03.11.2014	Budsjett 2015 - ansvarsnivå.xlsx	60300
04.11.2014	Investeringsbudsjettet 2015.xlsx	60316

Saka gjeld

Opplysningar til saka

Lover/regelverk

Finansiering

Sakshandsamar si vurdering

Konklusjon

Saksgang

TILRÅDING FRÅ ADMINISTRASJONEN

.....

Handsaming i Formannskapet - 03.11.2014

Saka vart handsama som nr. 2 på saklista.

Kommunalsjefar / Tenesteleiarane deltok (dialogmøte) under handsaminga av . sak FS 92/14.

Toril Sande fekk permisjon kl. 17.05 (under handsaming av denne saka)

6 voterande

Framlegg frå Formannskapet:

Utfordringane for budsjettåret 2015 vart presentert av tenesteleiarane.

Saka vart drøfta og utfordringane danner grunnlaget for det vidare budsjettarbeidet

Røysting:

Framlegg frå Formannskapet fekk 6 røyster for. Samrøystes

FS-092/14 FRAMLEGG

Utfordringane for budsjettåret 2015 vart presentert av tenesteleiarane.

Saka vart drøfta og utfordringane danner grunnlaget for det vidare budsjettarbeidet

Handsaming i Eldrerådet - 13.11.2014

4 voterande

Fylgjande justerte dokument vart framlagde:

- Budsjettskjema 1A
- Budsjettskjema 1B
- Konsekvensjustert budsjett 2015
- Investeringsbudsjett 2015

Budsjettskjema 1A viste eit meirforbruk (underskot) på kr 1.803.000

Framlegg frå Eldrerådet:

Eldrerådet drøfta dei konsekvensjusterte budsjetta på hovedområde, og kom fram til fylgjande endringar:

Reduserte utgifter:

Komm.sjef/stab: Auka reduksjon 2015 kr 100.000

Drift og utvikling:

Brann: Auka reduksjon kr 200.000

Eiendom: Auka reduksjon grunna sterkt redusert

- Investeringsnivå kr 500.000 kr 800.000

Auka utgifter :

Oppvekst: Flatraket skule vert oppretthalden kr 1.000.000

Sjukeheimen: Ingen reduksjon kr 1.400.000

Vernepleie og psykiatri. Ingen reduksjon kr 150.000 kr 2.550.000

Auka inntekter:

Eigedomsskatt: Det vert innført eigedomsskatt for faste eigedomar i heile kommunen, unnateke verk og bruk og anna næringseigedom, jfr **Eiendomsskatteloven § 3, bokstav g**

kr 2.150.000

Ved innføring av eigedomsskatt etter § 3, bokstav g, er det unødvendig med kostnader til taksering av næringseigedomar m.v.

Stipulert innsparing kr 1.403.000

Oppsummering:

Meirforbruk Budsjettskjema 1A kr 1.803.000

Auka utgifter kr 2.550.000

Utfordring 1 **kr 4.353.000**

Reduserte utgifter kr 800.000

Eigedomsskatt kr 2.150.000

Utfordring 2. **kr 1.403.000,-**

Vert dekkja ved stipulert innsparing av kostnader til taksering av næringseigedomar m.v.

Røysting:

Framlegg frå Eldrerådet fekk 4 røyster for. Samrøystes

ELD-010/14 VEDTAK

Som framlegget frå Eldrerådet. Samrøystes.

Handsaming i Råd for menneske med nedsett funksjonsevne - 13.11.2014

5 voterande

Framlegg frå Rådet for menneske med nedsett funksjonsevne:

Inntekt:

Selje kommune bør bruke inntektspotensialet sitt fullt ut.

Vi ser at framlegg til nedskjeringar som no er foreslått der mange tenestoområde vert råka, skal sakene ha god konsekvensutgreiing. Det er først då at ein kan gjere gode vedtak i ein vanskeleg situasjon.

Røysting:

Framlegg frå Rådet fekk 5 røyster for. Samrøystes.

Representanten Ann Kathrin Ervik forlet møtet.

4 voterande

RFF-009/14 VEDTAK

Inntekt:

Selje kommune bør bruke inntektspotensialet sitt fullt ut.

Vi ser at framlegg til nedskjeringar som no er foreslått der mange tenestoområde vert råka, skal sakene ha god konsekvensutgreiing. Det er først då at ein kan gjere gode vedtak i ein vanskeleg situasjon.

Samrøystes.

Handsaming i Driftsutvalet - 13.11.2014

6 voterande

Økonomisjef Geir Kvisten orienterte i saka.

1. Framlegg frå H,TP,KRF:

Nedlegging av Driftsutvalet bør vurderast.

Dette bør gjerast som ein del av total gjennomgang av politisk organisering og ulike delegasjonsregelement.

Gjennomgangen må gjerast innan 01.04.2015.

2. Fellesframlegg frå H, TP, KRF, FRP:

Driftsutvalet ber administrasjonen utgreie sal av SFE-aksjar. Gevinst av sal vert fordelt på nedbetaling av lån og avsetning til investeringsfond med langsiktig forvaltning.

3. Framlegg frå TP, KRF:

Driftsutvalet tilrår å oppretthalde Flatraket skule og foreslått nedlegging av ei avdeling på Seljetunet. Finansiering vert ved å innføre eigedomsskatt frå 01.01.15

4. Framlegg frå H, FRP:

Driftsutvalet tilrår å oppretthalde Flatraket skule og foreslått nedlegging av ei avdeling på Seljetunet. Finanisering vert å kome attende til i formannskapet si handsaming 26.11.15.

5. Fellesframlegg frå H, TP, KRF, FRP:

Investeringsbudsjettet vert slik administrasjonen har lagt fram pluss at TIK-midlar med nettokostnad på kr. 140.000 skal innarbeidast i Investeringsbudsjettet.

Røysting:

Det vart røysta over 5 ulike framlegg.

1. Framlegg frå H, TP, KRF fekk 5 røyster for og 1 mot.
2. Fellesframlegg frå H, TP, KRF, FRP fekk 6 røyster for. Samrøystes
3. Framlegg frå TP, KRF fekk 4 røyster for og 2 røyster mot.
4. Framlegg frå H, FRP fekk 2 røyster for og 4 mot.
5. Fellesframlegg frå H, TP, KRF, FRP fekk 6 røyster for. Samrøystes

KU-048/14 VEDTAK

Nedlegging av Driftsutvalet bør vurderast.

Dette bør gjerast som ein del av total gjennomgang av politisk organisering og ulike delegasjonsregelement.

Gjennomgangen må gjerast innan 01.04.2015.

Driftsutvalet ber administrasjonen utgreie sal av SFE-aksjar. Gevinst av sal vert fordelt på nedbetaling av lån og avsetjing til investeringsfond med langsiktig forvaltning.

Driftsutvalet tilrår å oppretthalde Flatraket skule og foreslått nedlegging av ei avdeling på Seljetunet. Finansiering vert ved å innføre eigedomsskatt frå 01.01.15

Investeringsbudsjettet vert slik administrasjonen har lagt fram pluss at TIK-midlar med nettokostnad på kr. 140.000 skal innarbeidast i Investeringsbudsjettet.



SELJE KOMMUNE

SAKSGANG		
Styre, råd, utval	Møtedato	Saksnr
Råd for menneske med nedsett funksjonsevne	13.11.2014	010/14
Eldrerådet	13.11.2014	011/14
Driftsutvalet	13.11.2014	049/14
Formannskapet	26.11.2014	
Kommunestyret	15.12.2014	

Sakshandsamar	Arkiv	Arkivsak
Svein Barmen	FE-231	14/601

Avgifter og gebyr 2015

Vedlegg i saka

Dok.dato	Tittel	Dok.ID
05.11.2014	Gebyr og betalingsatsar 2015 - 01.01.2015.pdf	60349

Saka gjeld

Fastsetting av offentlege avgifter og gebyr for 2015.

Opplysningar til saka

Etter oppmoding frå Revisor skal kommunen sine gebyr og betalingsatsar vere samla i eitt hefte. Heftet skal også vise prisutvikling. Satsane skal justerast årleg etter vedtak i kommunestyret. Kommunestyret justerte satsane sist pr.01.08.2014 som eit tiltak etter framlegg frå Agenda Kaupang. Den justeringa galdt fram til 31.12.2014. Det må difor gjerast nytt vedtak for 2015. Saka skal høyrast på same måte som budsjett 2015.

Ein del satsar er fastsett i Statsbudsjettet, men likevel med her fordi det er kommunen som krev dei inn. Desse satsane er ennå ikkje publisert sentralt fordi Statsbudsjettet er ikkje ferdig handsama. Kommunestyret kan gjere vedtak om at desse vert ført inn i heftet når dei er publisert.

Merknader til punkta i heftet:

1. Barnehage
Makspris 2015 ikkje kjend. Prisen kan førast inn når makspris er kjend
2. Kulturskule
Auka med 4%

3. Skulefritidsordning
Auka med 4%
4. Eldretun, omsorgsbustadar, heimehjelp
Husleige eldretun auka med 2,5%
Husleige tryggleiksavdeling auka med 3,66%
Mat auka med 3,8% frå 2. kvartal 2013
Timesats for heimebaserte tenester er fastsett sentralt og må førast inn seinare
5. Leigesatsar for kommunale utleigebustadar og garasjer
Tala er ikkje klare. Oppdaterte tal vil bli lagt fram i møtet
6. Feiing Brannsyn
Vidareført tidlegare vedtak
7. Tomteprisar
Tala er ikkje klare. Oppdaterte tal vil bli lagt fram i møtet
8. Gebyrregulativ for vatn, avløp og slamtøming
Endring, 2014-2015: 2,5 % auke - vassgebyr, 5 % auke – kloakkgebyr, 2,5 % auke -
slamgebyr, inga endring i satsane for kaigebyr
9. Oppmålingsgebyr
Satsane vert fastsett sentralt. Kan innførast når dei er kjende
10. Gebyr for kopiering, scanning, plotting og ekspedisjon
Takstane som var fastsett 01.08.2014 vert vidareført i 2015
11. Gebyrsatsar frå tinglysinga (Kartverket)
Satsane vert fastsett sentralt. Kan innførast når dei er kjende
12. Bilettprisar 2015- Barmøyferja og Seljeruta
Skal fylgje Riksregulativet for ferjeruter Takstsone 2. Satsane for 2015 er ikkje kjende.
Kan førast inn når satsane er kjende
13. Renovasjon NOMIL
Blir fastsett av styret i NOMIL. Gebyrregulativet vert ført inn når NOMIL har gjort vedtak
14. Gebyr for tenester etter plan og bygningslova
Takstane som var fastsett 01.08.2014 vert vidareført i 2015
15. Leigesatsar for lokale i skular og barnehagar
Tala er ikkje klare. Oppdaterte tal vil bli lagt fram i møtet
16. Gebyr for viltforvaltning
Ny punkt i heftet. Vidareføring av tidlegare praksis

Lover/regelverk

Kommunelova

Statsbudsjettet 2015

Pasientrettighetsloven

Opplæringslova

Sakshandsamar si vurdering

Gebyrheftet samlar no prisane på dei fleste kommunale tenestene og kan leggjast ut til høyring

Saksgang

Saka vert handsama i Eldrerådet, Råd for menneske med nedsett funksjonsevne og Driftsutvalet. Merknader vert innarbeidd og Formannskapet legg saka ut til høyring. Kommunestyret gjer vedtak.

TILRÅDING FRÅ ADMINISTRASJONEN

Formannskapet legg heftet «Gebyr og betalingsatsar 2015» ut på høyring slik som det ligg føre.

Administrasjonen får fullmakt til å føre inn statleg regulerte og andre (NOMIL) sine betalingsatsar etter kvart som desse vert kjende.

Kommunestyret gjer vedtak om «Gebyr og betalingsatsar 2015» gjeldande frå 01.01.2015 til 31.12.2015

Handsaming i Eldrerådet - 13.11.2014

4 voterande

Rådgjevar Svein Barmen orienterte i saka.

Tilleggsdokument: Tilleggsopplysningar med nye tal og oppdatert gebyrregulativ.

Etter at saka var utsend er fylgjande nye tal kome inn:

Til punkt 5: Leigesatsar for kommunale utlegebustadar og garasjer:

Takstauke med prisstigning: 2,8%

Til punkt 7: Tomteprisar

Takstauke med prisstigning: 2,8%

Til punkt 13: Renovasjonsavgift NOMIL

Framlegg til ny betalingsforskrift frå styret i NOMIL: Takstauke med 3%

Til punkt 15 Leigesatsar for lokale i skular og barnehagar

Takstauke med 3%

Oppdatert hefte er lagt ved saka.

NY TILRÅDING FRÅ ADMINISTRASJONEN

Formannskapet legg heftet «Gebyr og betalingsatsar 2015» ut på høyring slik som det ligg føre.

Administrasjonen får fullmakt til å føre inn statleg sine betalingsatsar etter kvart som desse vert kjende.

Kommunestyret gjer vedtak om «Gebyr og betalingsatsar 2015» gjeldande frå 01.01.2015 til 31.12.2015

Røysting:

Ny tilråding frå administrasjonen fekk 4 røyster for. Samrøystes.

ELD-011/14 VEDTAK

Som tilrådinga frå administrasjonen. Samrøystes.

Handsaming i Råd for menneske med nedsett funksjonsevne - 13.11.2014

4 voterande

Viser til orientering og handsaming i Eldrerådet same dag, der ny tilråding frå administrasjonen, vart lagt fram.

Røysting:

Ny tilråding frå administrasjonen fekk 4 røyster for. Samrøystes.

RFF-010/14 VEDTAK

Som tilrådinga frå administrasjonen. Samrøystes.

Handsaming i Driftsutvalet - 13.11.2014

6 voterande

Viser til orientering v/sakshandsamar og handsaming i Eldrerådet og Rådet for menneske med nedsett funksjonsevne same dag, der ny tilråding frå administrasjonen vart lagt fram.

Røysting:

Ny tilråding frå administrasjonen fekk 6 røyster for. Samrøystes.

KU-049/14 VEDTAK

Som tilrådinga frå administrasjonen. Samrøystes.

